

**PEMBERITAHUAN PERTANYAAN BUKAN LISAN  
MESYUARAT KEDUA, PENGGAL KETIGA,  
PARLIMEN KEEMPAT BELAS  
DEWAN RAKYAT**

---

**PERTANYAAN : BUKAN LISAN**

**DARIPADA : YB DATO' SERI MAHDZIR BIN KHALID  
[PADANG TERAP]**

**SOALAN**

Minta **PERDANA MENTERI** menyatakan apakah respon Kementerian terhadap tindakan kapal peninjau China yang memasuki perairan negara di Zon Ekonomi Eksklusif (ZEE) dan mengganggu aktiviti penggalian minyak dan gas oleh kapal Eksplorasi dan Penggalian West Capella yang disewa oleh Petronas.

**JAWAPAN**

**YB DATUK SERI MOHD REDZUAN BIN MD. YUSOF,  
MENTERI DI JABATAN PERDANA MENTERI (TUGAS-TUGAS KHAS)**

1. Pihak PETRONAS telah memulakan aktiviti penggerudian di Telaga Arapaima-1 dan Lala-1 pada 22 Disember 2019 dengan menggunakan kapal penggerudi West Capella (kapal berbendera Panama). Kedudukan telaga Arapaima-1 dan Lala-1 adalah terletak di dalam perairan negara berdasarkan Peta Baru Malaysia 1979.
2. Disepanjang tempoh aktiviti penggerudian kapal West Capella di kedua-dua telaga ini, terdapat sebuah kapal peninjau Haiyang Dizhi 8 (HD 8) telah berada berhampiran kapal West Capella bagi menjalankan kerja-kerja peninjauan (*survey*). Namun, tiada sebarang tindakan provokasi oleh mana-mana pihak dibuat kepada kru kapal West Capella ini.
3. Oleh yang demikian, aktiviti eksplorasi dan eksploitasi minyak dan gas di Telaga Arapaima-1 dan Lala-1 ini tidak terjejas dan beroperasi seperti biasa di bawah pemantauan agensi-agensi keselamatan seperti Majlis Keselamatan Negara, TLDM, Tentera Udara Diraja Malaysia (TUDM), Agensi Penguatkuasaan Maritim Malaysia (APMM) dan kerjasama erat dengan pihak PETRONAS.
4. Pada 13 Mei 2020, aktiviti penggerudian oleh Kapal West Capella di kedua-dua telaga ini telah berjaya ditamatkan tanpa sebarang implikasi diplomatik dan ketenteraan.

Sekian, terima kasih.